

明世宗實錄

卷三〇一至三六六
嘉靖二十四年七月至
二十九年十月

明世宗肅皇帝實錄卷之三百一

嘉靖二十四年七月辛酉朔奉安

皇祖

列聖帝后神主於

太廟遣文武大臣朱希忠嚴等行禮如儀。詔加吏部尚書熊浹爲太子太保以六年績滿也。壬戌以廟建禮成文武百官於奉天門上表稱賀。是日頒詔天下詔曰朕惟宗廟之禮所以序昭穆孝子之至莫大乎尊親古之訓也我國家宗廟之制自太祖肇基首立四親廟其後更制同堂異室比因稽古之制用協七廟之文是以創建式師周興廼以鬱攸不戒原之昭穆不明用是復同堂之建實有不得已之情爰循更制崇構新宮時裕祭享奉太祖正位居尊成祖及列聖與我皇考睿宗皇兄武宗俱同堂而序尊獻之節悉用往儀大工既就茲以七月初一日辰敬告成事奉安列聖神

主 聖靈希安朕志莫伸維時典禮之咸宜廣推仁之惠所有寬恤事宜開列於後一自嘉靖二十四年七月初二日昧爽以前官吏軍民人等有犯除一應真犯死罪并事干邊方夷情及充軍人犯不赦外其餘自徒罪以下已發覺未發覺已結証未結証罪無大小咸赦除之一浙江等處十三布政司并南北直隸府州縣嘉靖二十五年分除漕運四百萬石并解運錢糧照舊徵兌起運其餘夏稅秋糧馬草農桑人丁絲絹布疋絲綿花絨屯田莊田牧馬草場子粒及甲丁二庫銅漆銀硃等料不分存留起運以十分為率俱免三分四川湖廣貴州出產大木小民搬伐運送勞苦尤甚免四分以蘇民困其二十三年以前起解錢糧侵欺事發者限三月以裏完獲批單照常釋放一各處逃亡人戶流離他方情願復業者除免差役二年里長不許勾

糧其山東淮揚鳳陽等處拋荒田土數多許諸人告官承種仍免糧差三年三年之後如果成熟方議量納籽糧各州縣官有能招撫流民復業及開墾荒田數多者撫按官保薦擢用一各處軍民田糧如有詭寄飛灑移址換段等弊以致田糧不均靠損小民者許被害人戶具告撫按兩司即與委官踏勘丈量明白糧歸姦詭人戶辦納不許姦猾之徒棍生事端將一縣一府田地不分有無規避一槩均文以滋姦弊所在官司亦不許輕易聽從以致騷擾小民違者從重究治一宗室子女有年二十以上未成婚配者各該撫按官即便督令該府輔導官限三月以裏保送前來以憑禮部覆奏各府祿糧多有積年拖欠詔書到日所司務要留意首處補給一兩京文武在任未及三年考滿者俱與應得誥勅署職貳貳俱與實授仍與應得誥勅有願

貶封其親者悉照舊例一文官除考察并犯贓罪及行止有虧
外其餘有因事為民者准與冠帶閒住一京師三大營及十二
團營官軍椿朋銀兩以前拖欠者俱准令蠲免仍免徵以後年
分朋銀三年用懸軍因以後仍照舊例徵收一武官除納級外
原係軍功陞授署職試職者俱與實授一在京各營在外各邊
并順天府南北直隸山東河南各處軍衛有司騎操募牧寄養
走遞馬騾驢牛委係倒失被盜并有例停候買補者俱准令獨
免其已補在官者照例發該管人負交收若有承攬欺隱作弊
者事發治以重罪一在京輪班操備已到做工官軍既有搬運
木石之勞合於本身及將戶內親丁一名量免本衛雜泛差徭
果因地方災傷該班來遂止令補班免其送罰一大同軍士先
年因避官兵畏死走入虜中逃移四外者詔書到日該鎮總督

巡撫官即便出榜曉諭許令回還出首復業各與免罪仍加存恤一緝事衙門除人命強盜機密重情等項重事許其訪拏奏治其餘軍民輕犯係于有司掌行者不許一舉騷擾一宗室有因事革職祿糧者除敗倫傷化打死人命重情外其餘自詔書到日為始俱照舊支給一湖廣川貴採運廟建大本官商預領銀兩除侵欺嚴追外其有阻險出逃致擬重罪追債者工部通行三省撫按官坐委守巡逐一體驗丈量果係堪用本植足抵原領官銀責令運至水次准與訖收申部行文類總解京備用仍與分發原罪一各邊近年虜寇傷殘地方如山西太原忻州汾州宣大廣昌勝房等處俱遭慘毒良可憫惻雖曾議加賑恤未見着實舉行詔書到日撫按官通行各該府州縣等官查照見在軍民并老幼孤寡丁口蠲免該年祖稅差徭務令漸復

生理其全無倚依者即為處給永糧毋致失所以體朝廷子愛
元元之意一兩京各衙門歷事監生并知印承差當該更見歷
辦者各免二箇月辦事官吏各免一箇月於戲閣官有恤鴻規
既復於魏崇寢成祀安殷薦克伸於安侑罔未副冲人之永思
特發慰一時之孝念也詔告天下尚有聞知○山西巡按御史
陳豪奏嵐縣寧武關各火燒草束得燒燬關隘草束中間必有
姦謀干係匪細撫鎮兵備等官平居防督欠嚴俱當遠聞姑令
戴罪防秋鎮撫并該該官負人等照例均賠巡按御史查賠完
數目具奏○甲子 仁孝文皇后忌辰 永孝殿行祭禮遣玉
田伯蔣榮祭 長陵○以 太廟工完詔廕內官監太監高忠
弟姪一人為錦衣衛指揮僉事成國公朱希忠子為錦衣衛百
戶加大學士嚴嵩太子太師許讚少傅張璧太子太保仍各賞

銀六十兩紵絲四表裏工部尚書甘肅加少保兼太子太保
賞銀五十兩紵絲四表裏禮部尚書賈察太子少保兵部尚書
唐龍太子太保兵部左侍郎楊麒陞正二品俸級服色遇缺推
用工部右侍郎文明陞俸二級錦衣衛都指揮同知陸炳陞都
督僉事仍掌衛事都指揮僉事趙俊陞俸一級各賞銀三十兩
紵絲二表裏工部郎中周如底陞太僕少卿原任兵部郎中今
陞山東副使徐汝圭陞從三品服色俸級禮部郎中王健工部
郎中汪宗凱陞在京五品堂官各賞銀二十兩紵絲一表裏工
部郎中召南周浩向宗哲熊楫陞二級禮部郎中張鈇工部郎
中楊儒陞一級俱外任用各賞銀十兩紵絲一表裏工部主事
劉廷誥陞貢外郎工部貢外郎徐楚主事王景象曾于拱陞鍊
兵部主事夏子開各陞俸一級賞銀十兩工部主事王嵩劉愔

吳涵出南兵部郎中褚寶乞賞銀五兩制勅房等官通政使張
電陞工部右侍郎光祿寺少卿談相曹果評事王槐各陞俸一
級郭文英蔭子文思院副使支從一品奉徐果陞二級內官監
管理太監陳準馬廣王朝張陽各蔭弟姪一人爲百戶餘官匠
等俱各陞賞有差○丙寅以廟完工賞原任兵部尚書毛伯
溫致仕戴金原任工部尚書樊繼祖并見任巡撫都御史曾鏡
各賞銀二十緡繚一表原任工部郎中主事汪集周南李洞陳
應魁譚大初副使陳壇王璣朱鴻漸各銀十兩原任御史何傅
育外郎沈良主事羅椿枝黃九皋於今職外各陞一級原任左
給事中章允賢郎中張珍葉選以原職致仕優卹已故郎中趙
愈和王之臣家蔭尚書潘鑑都御史劉大謨各一子爲國子生
○戊辰上以秋防伊邇諭兵部飭各邊守臣嚴加防禦毋致

疎虞。○加給保定左等衛官軍七月八月糧價營操者每名每月加銀八分在關防守者加銀一錢領馬者仍與多支一月不爲例。○己巳陞光祿寺少卿高澄爲南京太僕寺少卿。○辛未陞南京應天府府丞王學益浙江左布政使蕭一中俱都察院右僉都御史學益巡撫貴州一中巡撫四川。○甲戌陞湖廣右布政使姚文炤爲浙江左布政使南京吏部文選司郎中李樂爲河南左叅議。○乙亥以中元節遣定國公徐延德西寧侯宋良臣長寧伯周大經分祭 七陵安平侯方銳祭 恭仁康定景皇帝中宮祭 恭讓章皇后駙馬都尉謝詔祭 孝潔皇后各陵寢。○丙子詔發臨清倉折糧銀四萬兩給保定備客兵之用。○先是回首馬黑麻連壇兄弟相讐殺因令其黨連壇米列等率二百人田於沙州冀秋收則入掠既而逃夷歸我其事泄

乃詐請求沙州住牧以自解於是總督都御史張珩詣行文省諭偵其真偽而鎮巡等官仇鸞等則欲乘彼警殺統兵勦之俱下兵部議覆言甘肅為西北重鎮一面孤懸諸夷逕處而沙州又其藩屏地必無容其耕牧之理宜如珩請照往年省諭土酋畝連壇滿達兒例移文戒諭宣布朝廷威德令亟悔過將沙州耕牧各夷盡數收歸如或執迷不悟然後督兵相機殲滅如鸞等言報可已而珩等復奏本夷遣其屬來求互市因而許之似亦羈縻之法宜遣官平其價值俟交易甫畢仍諭以速回本土庶幾遠人畏威懷德而邊疆無意外之慮兵部復以為請上許之○丁丑陞河南道御史李鐸為應天府府丞○巡按湖廣御史伊敏生憲岳州府知府陸埤茶陵州知州曹才漢政績卓異宜示勸獎上以埤有採荒實政詔陞四品京堂官曹才漢

陞俸一級遇缺准用前有旨令各監司訪覆所屬守令賢否未見奏報敏生獨奉詔惟謹足見究心民隱今陞俸一級○初工部匠作官郭文英積功勞陞至工部右侍郎蔭其子文思院副使至是以廟工加息再陞俸級因上疏辭俸乞陞蔭其子得旨俸級不准辭伊子准授序班鴻臚寺辦事於是給事中張元冲劾奏文英徒以繩墨斧斤奔走冬官之府耽滯俸竊銜叨恩蔭敘乃復冒濫改求此於國體名器所關不小宜明諭懲戒使知安分圖報疏入上不悅曰名器不可不重工役亦須得人文英一人何至遽壞體例耶再論者罪之○戊寅成祖文皇帝忌辰永孝殿行祭禮遣英國公張溶祭長陵○致仕刑部右侍郎葉相卒賜祭葬如例○己卯發太倉銀一萬二千兩賑盜雲為客兵餉○庚辰大同守臣報虜聚東勝州勢必入寇

兵部以聞詔各督撫等官嚴加防守。巡撫順天都御史郭宗
臬奏居庸關白羊口一帶甚為要害而兵力寡弱勢不得不資
徵調今建昌營進兵見駐塞雲三七營之兵候有警報亦走塞
雲又有京營兵馬二枝擬在順義懷柔住劄脫居庸有急必待
兵部奏調恐緩不及事請預擬借調之法如居庸白羊緊急則
量調建昌三七等處兵馬協助塞雲緊急則駐劄居庸京兵亦
聽調發又總兵統馭軍士有不用命者法得即軍中斬之今居
庸無總兵官人心何所警懼統乞裁定疏下兵部謂調發宜允
所請軍士即聽宗臬節制但據總兵官許國言居庸紫荆地勢
險阻不利用馬而利步兵兩關防守叅將各宜撥馬軍五百步
軍二千五百以足三千之數因地用兵亦合機宜得旨兩關防
禦馬軍仍足一千二百之數統兵將官雖各守信地仍須量勢

緩急互相策應不得自分彼此致誤事機餘悉如議。辛巳遣太醫院官視大學士張璧疾尋賜之酒饌。大學士嚴嵩奏乞容宥言官以弘聽納謂御史何維栢昨以疏論時政因劾及臣念臣本庸陋濫居輔弼贊理無狀言官得舉而論之乃其職也雖其言容有或過亦係風聞未實之故今維栢已奉旨究問臣身忝輔臣當惶懼引咎萬一維栢獲罪過重則臣之罪益重矣乞俯軫言官進諫納忠之愚曲成愚臣聞過思懼之意將維栢并給事中林庭璽張克年并相御史桂榮通賜矜宥使中外人情以慰而於聖德為益光矣疏入報聞。壬午詔發太倉糧草銀二萬九千九百餘兩於山西鎮准作年分年例鹽引不敷之數該省供邊錢糧積逋數多行撫按官督屬追徵補解慢事司府州縣管糧等官住俸降級如例行。癸未成國公朱希忠

以廟工加恩蔭一子為錦衣衛百戶疏乞移之於弟錦衣衛指揮同知希孝上許之命陞希孝都指揮使本衛管事○總督宣大侍郎翁萬達奏宣府東路去黃花鎮朝河川古北喜峯白羊口甚近宜令薊州巡撫加謹隄防及預簡精兵一二枝策應宣府并薊州兵馬悉聽臨期調用兵部謂薊州兵力素號寡弱不宜遠調請以保定班軍六千五百河南民兵六千山東長鎗手六千近擬赴紫荆通州等處協守者即許總督侍郎隨宜調度為便從之○甲申韓王融燧為母病乞藥與之○朝鮮國權國事李浩差陪且禮曹叅判李滢等奉表貢方物賀萬壽聖節宴賞如例○乙酉巡撫兩廣都御史張岳奏兩廣擅賊竊發廣東則有封川縣蘇公樂等廣西則有馬平岑賓二縣覃朝斛等各肆剽掠敵設官軍封川尤急請亟進兵殲滅之上曰

種賊肆逆如議勦絕毋得濫及無辜衆將守巡等官平日防範不嚴俱令戴罪殺賊通候事寧之日具奏定奪○丙戌兵科給事中孟珏相陳言邊務言宣大總督遠駐朔州傳報稽程調遣不及宜令翁萬達常駐大同陽和城適中之地以便調度從之○西海虜酋整克者其初北虜小十五部落也因變逃據西海有年及是遣其屬阿都赤赴甘肅納款求得內地而居之總督撫鎮等官張珩等奏整克部精兵萬人若不得請必為套虜所吞是藉寇兵也納之便但虜情詭詐難信宜令整克親赴軍門覆甯無異然後從其請仍令照舊海上住牧俟套虜入寇即於境外拒戰有斬賊功一體給賚或計擒首首朝廷待以不次之賞既以竊席西虜又借其力以捍禦套虜計無便於此者上曰夷情難測其令總督撫鎮官協心運謀相機酌處務期成功